



ROLEX
Franch Michelsen
ÚRSMÍÐAMEISTARI
LAUGAVEGI 15 • SÍMI 511 1900
WWW.SVISS.IS

MARKAÐURINN

Sögurnar... tölurnar... fólkíð...

Er prentverkið Svansmerkt?
GUÐJÓNÓ
VISTVÆN PRENTSMÍÐJA
Sími 511 1234 • www.gudjono.is

Miðvikudagur 5. nóvember 2008 – 45. tölublað – 4. árgangur

Veffang: visir.is – Sími: 512 5000 **visir**

Orðskýringin
Hver er finnska leiðin?



Novator
Spáði falli krónunnar árið 2006



Jeffrey Sachs
Hrunið og leiðin til viðreisnar



Bretar greiða út af Icesave

Greiðslur af Icesave-reikningum hefjast í næstu viku.

Fram kemur í frétt breska ríkisútvarpsins að 230 þúsund reikningseigendur í Bretlandi fái í vikunni tölvupóst þar sem þeim verður leiðbeint um hvernig þeir geti nálgast innstæður sínar. Vísað er til loforða breskra stjórnvalda um að allir fái fé sitt aftur.

Innstæðurnar á bresku og hollensku Icesave-reikningum Landsbankans sáluga og á þýskum Edge-reikningum Kaupþings heitins, eru tryggðar upp að ríflega 20 þúsund evrum af Tryggingasjóði innstæðueigenda. Haldið hefur verið fram að sjóðurinn eigi aðeins að ábyrgjast það sem er í honum nú. Þar eru um 19 milljarðar króna. Erlendar innstæður nema hundruðum milljarða. Fjármálaeftirlitið hefur tilkynnt að greiðsluskylda hafi stofnast hjá sjóðnum vegna Landsbankans, Kaupþings og síðast í gær vegna heilðsöluinnlána Glitnis í Bretlandi.

Ekki hefur verið ákveðið hvernig sjóðurinn bregst við, en hann hefur heimild til lántöku vegna skuldbindinga sinna. Enn er ekki komin niðurstaða í viðræðum stjórnvalda við Breta um lyktir málsins. Bráðabirgðasamkomulag var gert við Hollendinga en viðræðum er ekki lokið. Eftir því sem næst verður komist hefur ekkert verið rætt við þýsk stjórnvöld vegna Edge.

Demantsprýdd kreditkort

MasterCard og annar stærsti banki Kasakstan, Kazkommertsbank, hafa tilkynnt að þrátt fyrir alþjóðlega fjármálakreppu muni þeir ekki hætta við fyrirætlanir um útgáfu nýs lúxuskreditkorts. Kortið er skreytt með gullhúð og í miðju þess hefur verið komið fyrir litlum demanti.

Ársgjald demantskortanna er 1.000 Bandaríkjadalir, en úttektarheimild þeirra er 50.000 dalir. Talsmaður bankans segir að demanturinn sé „bara til skrauts“ og að þrátt fyrir efnahagsþrengingar sé nóg af vellauðugu fólki sem vilji berast á. Áhugasömum er bent á að þeir þurfi að hafa hraðar hendur, því bankinn ætlar sér aðeins að gefa út 1.000 demantskort.

- msh

HELST Í ÚTLÖNDUM

Evrar til Litháen | Ilmars Rimsevics, seðlabankastjóri Litháens, segir líkur á að landið taki upp evru ári fyrir en áætlað var, jafnvel árið 2011. Um 80 prósent af öllum bönkum í Litháen eru í eigu erlendra aðila.

Skoða Sterling | Nokkur kaupþilboð bárust í þrotabú Sterlingflugfélagsins í Danmörku, sem varð gjaldþrota í síðustu viku. Frestur til að skila inn tilboðnum rann út á miðnætti í fyrra kvöld.

Vissi um kreppuna | Gordon Brown, forsætisráðherra Bretlands, og Englandsbanki vissu um komandi fjármálakreppu á Íslandi í mars en forsætisráðherrann ræddi við Geir Haarde um málið í apríl.



Vilja evruna | Rétt rúmur helmingur Dana er nú fylgjandi því að taka upp evruna sem gjaldmiðil. Fyrir rúnum hálfum mánuði vildi tæpur helmingur landsmanna taka upp gjaldmiðil evrusvæðisins.

Allt er ríkisins | Danska blaðið Berlingske Tidende sagði í vikunni danska hótelið D'Angleterre, eitt frægasta hótél Norðurlanda, nú komið í eigu íslenska ríkisins í gegnum Nýja Landsbankann. Landsbankinn gamli fjármagnaði kaup Nordic Partners á hótelinu í fyrra. Gísli Reynisson, stærsti hluthafi Nordic Partners, vísaði því á bug.

Svartur mánuður | Október var sá svartasti mánuður sem bandarískir fjárfestar hafa séð í 21 ár. Í október árið 1987 féll Dow Jones-vísitalan um 23 prósent, þar af um 22,6 prósent 19. sama mánaðar. Það var næstmesta fall vísitölnunnar frá upphafi. Í síðasta mánuði féll vísitalan um rúm 14 prósent.

Nálægt núllinu | Ben Bernanke, seðlabankastjóri Bandaríkjanna, er tilbúinn til að boða frekari lækkun stýrivaxta á næstunni dugi fyrri aðgerðir ekki til að snúa efnahagslífinu til betri vegar. Vextir standa nú í einu prósent. Lækki þeir frekar hafa þeir aldrei verið lægri.

Skuggabankastjórn vill nýja seðlabankastjórn

Stjórn Seðlabankans þarf að víkja til að auka trú á efnahagsstjórn hér, að mati skuggabankastjórnar Markaðarins. Stýrivextir óbreyttir meðan upplýsinga er beðið.

Óli Kristján Ármannsson
skrifar

Skuggabankastjórn Markaðarins telur að skipta verði um bankastjórn Seðlabanka Íslands. Samkvæmt áætlun kynnir Seðlabankinn stýrivaxtaákvörðun og sýn á þróun efnahagsmála á vaxtaákvörðunardegnum sínum á morgun.

Skuggabankastjórnin telur vexti þurfa að vera óbreytt á 18 prósentum þar til línur skýrast hvað verðar aðgerðaáætlun þá sem lögð hefur verið fyrir Alþjóðagjaldeyrissjóðinn. Upplýst verður um áætlunina þegar stjórn Alþjóðagjaldeyrissjóðsins hefur fjallað um hana í vikulokin.

„Meginverkefnið er að skapa trúverðuleika í kringum peningamálastefnuna og Seðlabankann. Það er nær útilokað með núverandi bankastjórn,“ segir Þórður Friðjónsson, forstjóri Kauphallar Íslands. Hann á sæti í skuggabankastjórninni með Ólafi Ísleifssyni, lektor við Háskólann í Reykjavík, Eddu Rós Karlsdóttur, hagfræðingi hjá Landsbankanum, og Ásgeiri Jónssyni, forstöðumanni greiningardeildar Kaupþings.

Auk þess að yfirstjórnir Seðlabankans og Fjármálaeftirlitsins sæti ábyrgð „samkvæmt vestrænni lýðræðishefð“ vill Ólafur Ísleifsson að stofnanirnar verði að því loknu sameinaðar.

Edda Rós segir Seðlabankann og ríkisstjórnina verða að ganga í takt. „Misvísandi skilaboð Seðlabanka og ríkisvaldsins eru óásættanleg. Trúverðuleiki er nauðsynlegur. Því er eðlilegt að yfirstjórn Seðlabankans viki,“ segir hún og bætir við að mistök við hagstjórn upp á síðkastið kunni að leiða til þess að vextir þurfi hér að hækka enn meira til að koma



FUNDAB UM STÝRIVEXTI Skuggabankastjórn Markaðarins skípa Ólafur Ísleifsson, Þórður Friðjónsson, Ásgeir Jónsson og Edda Rós Karlsdóttir. Með eru ritstjórn Markaðarins. MARKAÐURINN/GVA

stöðugleika á gjaldeyrismarkað. „Ný og trúverðug yfirstjórn í Seðlabankanum myndi minnka þörfina á slíkri aðgerð.“

Í umræðum skuggabankastjórnar kom fram að Seðlabankanum væri nokkur vorkunn að ætla að birta rit um framvindu efnahagsmála rétt áður en fyrir liggja skilmálar samkomulags ríkisins og Alþjóðagjaldeyrissjóðsins um aðgerðir í efnahagsmálum. Peningamálin verði því eins og „staðið kaffi“, ný upphelling fái ekki fyrir en allar upplýsingar liggja fyrir. Það er meðal annars fyrir þessa óvissu sem skuggabankastjórnin segir ekki hægt að mæla með breytingu á vöxtum nú.

Seðlabanki Íslands hækkaði stýrivexti í 18 prósent 28. október síðastliðinn á viðbótavaxtaákvörðunardegnum. Þar áður var vöxtum einnig breytt utan hefðbundinnar dagskrár 15. október þegar þeir voru lækkaðir í 12 prósent, úr 15,5 prósentum. Sjá miðopnu

Félag Björgólfsfeðga gjaldþrota

Á ekki fyrir skuldum eftir að kjölfestufjárfesting gufaði upp í ríkisvæðingu.

EIGNIR BJÖRGÓLFSFEÐGA

Hermt er að gjaldþrot Samsonar hafi engin bein áhrif á aðrar eignir Björgólfsfeðga, hvorki hins eldri (BG) né hins yngri (BTB).	
HF Eimskipafélag Íslands	BG
Icelandic Group	BG
West Ham	BG
Ólafsfell (- m.a. hlutur í Árvakri)	BG
Actavis	BTB
Play í Póllandi	BTB
Amer Sport í Finnlandi	BTB
Samson Global Holdings	BG/BTB
- 35 prósent hlutur í Straumi-Burðarási	
- sem aftur á hlut í Árvakri	

„Stjórn Samsonar eða kröfuhafar geta nú farið fram á gjaldþrotaskipti,“ segir Ásgeir Friðgeirsson, talsmaður Björgólfsfeðga. Hann segir þetta ekki hafa bein áhrif á önnur fyrirtæki sem þeir feðgar eigi hluti í.

Beiðni Samsonar um áframhaldandi greiðslustöðvun var hafnað í Héraðsdómi Reykjavíkur í gær og farið fram á að félagið verði tekið til gjaldþrotaskipta.

Samson er í eigu feðganna Björgólfs Guðmundssonar og Björgólfs Thors Björgólfssonar. Stærsta eign félagsins var rúmlega 41,85 prósent hlutur í Landsbankanum.

Ásgeir bendir á að eignarhlutur Samsonar í bankanum hafi numið 90 milljörðum króna undir það síðasta.

Þegar ríkið tók bankann eignarnámi varð hann að engu. Gunnar Sturluson, lögmaður Samsonar, sagði niðurstöðuna koma sér á óvart. Hann vildi ekki tjá sig um málið að svo stöðu.

Samson fékk greiðslustöðvun 7. október, sama dag og Landsbankinn var ríkisvæddur og rann hún út á þriðjudag í síðustu viku. Þýski bankinn Commerzbank International gerði einn athugasemdir við framlengingu greiðslustöðvunar. Samson skuldaði Commerzbank rúma 23 milljarða króna auk þess sem ábyrgð á láni til bresku ferðaskrifstofunnar XL Leisure Group upp á tæpa 37 milljarða króna hvíldi á herðum félagsins. Líklegt er að ábyrgðin færist

aftur til Eimskipafélagsins. - jab

Gerðu TAS að þinni tölvudeild allan sólarhringinn

www.tas.is

Uppsetning og
rekstur tölvukerfa

Þjónusta allan
sólarhringinn

Hýsing
tölvubúnaðar
í fullkomnum
tækjasal

Öryggisafritun og
dulkóðun gagna

Skýr ávinningur:

TAS er framúrskarandi þekkingarfyrirtæki sem byggir á margra ára reynslu starfsmanna sinna og veitir heildarlausnir á upplýsingatæknisviði.

Stuttur viðbragðstími

-öllum þjónustubeiðnum er sinnt strax

Skilvirk þjónusta

-aðgangur að sérhæfðum starfsmönnum allan sólarhringinn

Fyrirséður kostnaður

-með TAS sem samstarfsaðila er bæði hægt að lækka rekstrarkostnaðinn og gera hann að þekktri stærð

Þjónustuver opið allan sólarhringinn:
412-1400 | hjalp@tas.is | www.tas.is



Óbreyttir vextir á óvissutíma

Skuggabankastjórn Markaðarins segir vexti þurfa að vera óbreytta enn um sinn. Ekki eru forsendur til að leggja mat á þróun efnahagsmála. Skipta verður um bankastjórn Seðlabankans. **Óli Kristján Ármannsson** og **Björn Ingi Hrafnsson** settust niður með skuggabankastjórninni.

Hluti af því að endurvekja traust á hagstjórn landsins er að bankastjórn Seðlabanka Íslands víki. Þetta er samdóma álit skuggabankastjórnar Markaðarins, en hana skipa Ásgeir Jónsson, forstöðumaður greiningardeildar Kaupþings, Edda Rós Karlsdóttir, hagfræðingur hjá Landsbankanum, Ólafur Ísleifsson, lektor við Háskólann í Reykjavík, og Þórður Friðjónsson, forstjóri Kauphallar Íslands.

Það er meðal annars vegna óvissu um framvindu efnahagsmála, meðan beðið er þess að birt verður aðgerðaáætlun sú sem lögð hefur verið fyrir Alþjóðagjaldeyrissjóðinn (IMF), sem skuggabankastjórnin segir ekki hægt að mæla með breytingu á vöxtum nú.

Seðlabanki Íslands hækkaði stýrivexti í 18 prósent 28. október síðastliðinn á viðbótavaxtaákvörðunardegi. Þar áður var vöxtum einnig breytt utan hefðbundinnar dagskrár 15. október þegar þeir voru lækkaðir í 12 prósent, úr 15,5 prósentum.

SEÐLABANKINN OG FJÁRMÁLAEFTIRLIT SÆTI ÁBYRGÐ

Ólafur Ísleifsson bendir á að vextir séu nú ákveðnir í samráði stjórnvalda og Alþjóðagjaldeyrissjóðsins.



Á **FUNDI SKUGGABANKASTJÓRNAR** Á meðan ekki er allt uppi á borðinu varðandi aðgerðir í efnahagsmálum og aðkomu Alþjóðagjaldeyrissjóðsins (IMF) eru ekki forsendur til að breyta hér stýrivaxtastigi, að mati skuggabankastjórnar Markaðarins.

MARKAÐURINN/GVA

eyrissjóðsins. „Deila má um réttmæti hækkunar stýrivaxta í 18 prósent en markmiðin sýnast skýr: Að skjóta stoð undir gengi krónunnar og koma áleiðis þeim skilaboðum til sjóðsins og annarra lánveitenda að stjórnvöld hiki ekki við að grípa til erfiðra aðgerða til að ná markmiðum í efnahagsmálum.“

Ólafur segir að endurreisa þurfi traust á Íslandi á alþjóðlegum vettvangi. „Efnahagsáætlun með gæðastimpli Alþjóðagjaldeyrissjóðsins er mikilvægt skref í þá átt. Birta þarf hana opinberlega um leið og hún hefur hlotið staðfestingu sjóðsins,“ segir hann.

„Annað skref er að leita eftir því við Evrópusambandið að á grundvelli aðildarumsóknar fái aðild að evrópska myntsamstarfinu svo fljótt sem verða má og Íslendingar eignist um leið bak-hjarl í Evrópska seðlabankanum. Þriðja skrefið er að þeir sem bera ábyrgð axli hana og

umheiminum verði sýnt að hér ríki vestrænar lýðræðishefðir í þessu efni. Byrja verður á yfirstjórn Seðlabanka og Fjármálaeftirlits og sameina svo þessar stofnanir.“

Fjórða skrefið segir Ólafur svo vera að gangast fyrir óháðri rannsókn á íslenska efnahagshruninu með atbeina erlendra aðila.

„Verja þarf heimili og fyrirtæki eftir því sem frekast er kostur. Hagfræðingarnir Gylfi Zoëga og Jón Daníelsson hafa

lagt fram um þetta markverðar tillögur sem stjórnvöld verða að taka mið af,“ segir Ólafur og bætir við að kveikja verði ljós sem vísi þjóðinni veginn til aukinnar hagsældar. „Umsókn um aðild að Evrópusambandinu er fyrsti neistinn því það verður ekkert traust reist á krónunni,“ segir hann.

ÓÐS MANNS ÆÐI AÐ BREYTA VÖXTUM NÚ

Þórður Friðjónsson segir skemmst frá því að segja að við núverandi aðstæður séu ekki forsendur til að breyta vöxtum. „Það vantar einfaldlega yfirlit um stöðu og horfur í þjóðarbúskapnum eftir fall fjármálfyrirtækjanna og þær ráðstafanir í efnahagsmálum sem áformaðar eru í samstarfi við IMF. Að mínu mati væri óðs manns æði að breyta vöxtum nú án þess að tengja slíka breytingu við heildaráætlun í efnahagsmálum,“ segir hann og bendir á að fyrir viku síðan eða svo hafi Seðlabankinn hækkað stýrivexti um sex prósentustig. „Þessi ákvörðun var byggð á þríhliða samkomulagi ríkisstjórnarinnar, Seðlabanka og IMF. Að baki þessu samkomulagi liggja útreikningar og áætlanir sem ekki hafa verið birtar opinberlega. Að svo stöddu er því afar erfitt að hafa rökstudda skoðun

JÓLAGJAFAKORT

YFIR TÍU ÞÚSUND GJAFIR Í EINUM PAKKA



JÓLAGJAFAKORT SMÁRALINDAR ER HIN FULLKOMNA GJÖF

Rafræna gjafakortið í Smáralind er jólagjöf sem hittir í mark hjá starfsmönnum jafnt sem viðskiptavinum. Hafðu samband við þjónustudeild Smáralindar í síma 528 8000 og pantaðu gjafakort, sérmerkt fyrirtæki þínu. Gegn vægu gjaldi pökkum við kortinu í fallega gjafaöskju.

Mikilvægt er að panta tímanlega. Þú færð nánari upplýsingar hjá þjónustuborði eða í netfanginu thjonusta@smaralind.is.

Verslanir opnar mán-mið 11-19, fim 11-21
fös 11-19, lau 11-18 og sun 13-18
smaralind.is / 528 8000



SKUGGABANKASTJÓRN MARKAÐARINS

EDDA RÓS KARLSDÓTTIR Stjórn Seðlabankans víki

Í því vandasama verkefni sem fram undan er verða Seðlabanki og ríkisstjórn að ganga í takt. Kreppan er grafalvarleg og við þurfum fúmlaus vinnubröð. Sú staða mun koma upp að grípa þurfi til aðgerða sem þykja óþægilegar í bráð, en eru nauðsynlegar fyrir framtíðarvelferð þjóðarinnar. Misvísandi skilaboð Seðlabanka og ríkisvaldsins eru óásætlanleg. Trúverðugleiki er nauðsynlegur. Því er eðlilegt að yfirstjórn Seðlabankans víki. Vextir verða óbreyttir þar til heildaráætlun í efnahagsmálum verður lögð fram. Klúðrið í síðustu viku kann hins vegar að valda því að vextir þurfi enn að hækka þegar gjaldeyrismarkaður opnar að nýju. Ný og trúverðug yfirstjórn í Seðlabankanum myndi minnka þörfina á slíkri aðgerð.



NIÐURSTAÐA: ÓBREYTTIR STÝRIVEXTIR

ÓLAFUR ÍSLEIFSSON Vestrænar lýðræðishefðir ráði




Endurreisa þarf traust á Íslandi á alþjóðlegum vettvangi. Efnahagsáætlun með gæðastimpli Alþjóðagjaldeyrissjóðsins er mikilvægt skref í þá átt. Birta þarf hana opinberlega um leið og hún hefur hlotið staðfestingu sjóðsins. Annað skref er að leita eftir því við Evrópusambandið að á grundvelli aðildarumsóknar fái aðild að evrópska myntsamstarfinu svo fljótt sem verða má [...] Þriðja skrefið er að þeir sem bera ábyrgð axli hana og umheiminum verði sýnt að hér ríki vestrænar lýðræðishefðir í þessu efni. Byrja verður á yfirstjórn Seðlabanka og Fjármálaeftirlits og sameina svo þessar stofnanir.

NIÐURSTAÐA: ÓBREYTTIR STÝRIVEXTIR


ÞÓRÐUR FRIDJÓNSSON Óðs manns æði að breyta nú

Skemmst er frá því að segja að það eru ekki forsendur til að breyta vöxtum við núverandi aðstæður. Það vantar einfaldlega yfirlit um stöðu og horfur í þjóðarbúskapnum eftir fall fjármálfyrirtækjanna og þær ráðstafanir í efnahagsmálum sem áformaðar eru í samstarfi við IMF. Að mínu mati væri óðs manns æði að breyta vöxtum nú án þess að tengja slíka breytingu við heildaráætlun í efnahagsmálum [...] Trúverðugar aðgerðir nú í samvinnu við IMF gætu leitt til þess að forsendur sköpuðust skjótt til vaxtalækkana.



NIÐURSTAÐA: ÓBREYTTIR STÝRIVEXTIR

ÁSGEIR JÓNSSON Vextir styðji við gjaldeyrismarkað



Eins og staðan er nú er fátt annað í stöðunni en að halda vöxtum óbreyttum. Nú er beðið eftir samþykkt Alþjóðagjaldeyrissjóðsins á láni til Íslendinga samhliða því að sameiginleg efnahagsáætlun sjóðsins og ríkisstjórnarinnar birtist. Mál máanna er að koma gjaldeyrismarkaðinum í lag – og þar verða vextirnir að styðja við. En það er nauðsynlegt að koma í veg fyrir fjármagnsflotta út úr hagkerfinu. Síðan um leið og krónan hefur komist á flot og betra jafnvægi hefur náðst á gjaldeyrismarkaði er nauðsynlegt að lækka vexti eins hratt og hægt er.

NIÐURSTAÐA: ÓBREYTTIR STÝRIVEXTIR

á líklegri framvindu efnahagsmála á næstu mánuðum og hvaða hlutverki vextir gætu þjónað til að tryggja sem bestan árangur. Mestu máli skiptir að koma gjald-eyrisviðskiptum í viðunandi horf og skapa traust á stjórn peningamála og efnahagsmála. Trúverðugar aðgerðir nú í samvinnu við IMF gætu leitt til þess að forsendur sköpuðust skjótt til vaxtalækkana.“

Ásgeir Jónsson tekur í sama streng og segir fátt annað í stöðunni sem við blasir annað en að halda vöxtum óbreyttum. „Nú er beðið samþykktar Alþjóðagjald-eyrissjóðsins á láni til Ísland-inga samhliða því að sameiginleg efnahagsáætlun sjóðsins og ríkisstjórnarinnar birtist. Mál mállanna er að koma gjald-eyrismarkaðinum í lag – og þar verða vextirnir að styðja við. En það er nauðsynlegt að koma í veg fyrir fjármagnsflotta út úr hagerfinu. Síðan um leið og krónan hefur komist á flot og betra jafnvægi hefur náðst á gjald-eyrismarkaði er nauðsynlegt að lækka vexti eins hratt og hægt er,“ segir hann.

GJALDEYRISMÁL VERÐI LEYST

Edda Rós Karlsdóttir segir Seðlabankann nú þurfa að einbeita sér að því að leysa gjald-eyrisskrepuna, því hún ráði mestu um framvindu efnahagskreppunnar. „Gjald-eyrisskortur leiðir til enn meiri veikingar krónunnar, gjaldþrots fyrirtækja, aukins atvinnuleysis og gjaldþrots heimila. Raunhæf efnahagsstefna og staðföst eftirfylgni stjórnvalda er forsenda árangurs í gjald-eyrismálum og um leið forsenda þess að hægt verði að grípa til aðgerða sem skila heimilum og

fyrirtækjum raunverulegum árangri,“ segir Edda Rós.

„Því miður var mjög illa staðið að sex prósentustiga vaxtahækkuninni í síðustu viku. Ósamræmi var á milli orða og athafna. Eftirmálin einkenndust af stefnuleysi og óeiningu á milli bankastjórnar Seðlabankans og ríkisstjórnarinnar, jafnvel þótt fjármálaráðherra og formaður bankastjórnarinnar hafi báðir undirritað viljayfirlýsinguna sem send var Alþjóðagjald-eyrissjóðnum („letter of intent“). Þessu verður að linna, ella mun endurreisn gjald-eyrismarkaðarins mistakast og efnahagskreppan dýpka, með hörmulegum afleiðingum fyrir þjóðina alla. Svona uppákomur draga enn úr trúverðugleika Seðlabankans og draga úr vilja erlendra ríkja til að veita Íslandi lánaufyrirgreiðslu,“ segir hún.

Í því vandasama verkefni sem fram undan er segir Edda Rós Seðlabanka og ríkisstjórn verða að ganga í takt. „Kreppan er grafalvarleg og við þurfum fúmlaus vinnubrögð. Sú staða mun koma upp að grípa þurfi til aðgerða sem þykja óþægilegar í brád, en eru nauðsynlegar fyrir framtíðarvelferð þjóðarinnar. Misvísandi skilaboð Seðlabanka og ríkisvaldsins eru óásættanleg. Trúverðugleiki er nauðsynlegur. Því er eðlilegt að yfirstjórn Seðlabankans víki.“

Edda Rós segir vexti verða óbreytta þar til heildaráætlun í efnahagsmálum verður lögð fram. „Klúðrið í síðustu viku kann hins vegar að valda því að vextir þurfi enn að hækka þegar gjald-eyrismarkaður opnar að nýju. Ný og trúverðug yfirstjórn í Seðlabankanum myndi minnka þörfina á slíkri aðgerð.“

Í fyrsta sinn á Íslandi:
Aðferðafræði markþjálfunar og afreksíþróttar sameinuð!!

Til forystu með hugarfari sigurvegarans!

Námskeið fyrir stjórnendur og þá sem stefna á stjórnun

Leiðbeinendur:

Guðmundur P. Guðmundsson
landslíðsþjálfari sílfurlíðs Íslands
á Olympíuleikunum

Matilda Gregersdóttir
PCC (Professional
Certified Coach)



Hilton Reykjavík Nordica,
7. nóvember og 12. nóvember kl. 8:30-12:00

- Árangursrík markmiðssetning á nýjum forsendum
- Hvernig á að byggja upp sterka liðsheild sem heldur velli?
- Hvernig tryggjum við úthald og einbeitingu starfsmanna á erfiðum tímum?

Hnitmiðaðir fyrirlestrar, verkefni og æfingar sem tryggja beina innsýn og kunnáttu

Verð: 58.500 kr.
Skráning: evolvia@evolvia.org

Ath: Fjöldi þátttakenda takmarkaður

evolvia



Kriunes við Elliðaavatn




Þarftu næði, tíma til að skipuleggja?


Frábær fundaraðstaða í fallegu umhverfi á höfuðborgasvæðinu.

Jólahlaðbord
í nóvember og desember

Sími: 567 2245 og 897 0749 | Fax 567 2226 | Netfang: kriunes@kriunes.is | Veffang: www.kriunes.is



HERBERGI



HERBERGI



FUNDARSALUR



FUNDARSALUR



JÓLAHLAÐBORD



FJÁRFESTINGARBANKI

sérþekkingu persónuleg árangur

EIGNASTÝRING MP - traustsins verð

MP Fjárfestingarbanki er ört vaxandi og framsækið fjármálafyrirtæki sem var stofnaður af Margeiri Péturssyni árið 1999. Bankinn býður heildarlausnir í eignastýringu fyrir einstaklinga og fjárfesta með mismunandi áherslur, annast miðlun verðbréfa á innlendum og erlendum mörkuðum og fæst við margvísleg verkefni sem tengjast þjónustu og ráðgjöf til fyrirtækja, sveitarfélaga og fagfjárfesta.

Þann 13. október var bankanum veitt viðskiptabankaleyfi. Ekki er búist við verulegum breytingum á starfsemi bankans á grundvelli hins nýja leyfis. Þetta hefur nú þegar gert bankanum kleift að taka við innlánnum. Bankinn er þakklátur fyrir það traust sem honum hefur verið sýnt.

Hjá fyrirtækinu starfar hópur sérfræðinga sem nær árangri í krafti menntunar, markaðsþekkingar og viðtækrar reynslu.

Það hefur aldrei verið jafn mikilvægt og einmitt nú að taka vel ígrundaða ákvörðun um ráðstöfun sparifjár. Huga þarf að því hvort að fjármálafyrirtæki séu traustsins verð og hafi hagsmuni viðskiptavina í fyrirrúmi.

Eignastýring MP Fjárfestingarbanka hefur náð góðum árangri á undanförunum vikum og mánuðum, líkt og á fyrri árum. Virk stýring og sveigjanleiki hefur líklega aldrei verið mikilvægari. MP hefur hagsmuni viðskiptavina að leiðarljósi og leitast við að bregðast við aðstæðum hverju sinni. Ávinningur viðskiptavina og bankans fara ávallt saman.

Þrátt fyrir umtalsverða óvissu um horfur í efnahagsmálum eru ýmsir kostir fyrir sparifjareigendur og fjárfesta. Öryggi er það sem flestir leita eftir. Heiðarleg þjónusta og öryggi er það sem MP Fjárfestingarbanki býður. Við erum traustsins verð.

Hafðu samband og leyfðu okkur að aðstoða þig.

BANKHÓLFID

Engin þota

Vart varð þverfótað fyrir einkapotum á Reykjavíkurlflugvelli á síðasta ári. Þotunum hefur nú fækkað um eina en Bakkabræður hafa losað sig við skýjafákinn. Fréttir um sölu einkapotunnar komu fram á sérstökum hluthafafundi Existu í síðustu viku en þar var jafnframt ákveðið að koma félaginu í var þar til óveðri á íslenskum hlutabréfmarkaði sloti. Jafnframt kom fram að þeir Ágúst og Lýður Guðmundssynir, sem stofnuðu Bakkavör á sínum tíma, hafi greitt allan kostnað við umstang þotunnar úr eigin vasa þótt þeir hafi ekki sjálfir verið um borð.



Gamalt og gott

Og enn af Bakkabræðrum. Eitt af helstu einkennum góðæris-sprengjunnar á síðasta ári voru jeppar. Þar bar Range Rover hæst; hann var nefndur bíll hinna útvöldu þar til korteri fyrir bankahrunið mikla í byrjun október. Bílaflotinn var af svipuðu kalíberi á hluthafafundi Existu. Eftir kaffi og með því, þegar flestir fundargestir voru horfnir á braut á drosslunum, settist Bakkabróðirinn Ágúst undir stýrið á sínum stálfáki og skutlaði bróður sínum í höfuðstöðvarnar í Ármúlanum. Bíllinn var langt í frá af nýjustu gerð; Saab sextíu og átta sem hann gerði sjálfur upp, samkvæmt nokkuð áreiðanlegum heimildum. Bíllinn má stundum sjá fyrir utan VÍShúsið í Ármúlanum á milli eðaljeppanna. Jafnundarlegt og það hljómar þá merkir Saabinn að forstjóri Bakkavarar sé í húsinu.



Svartur svanur

Ein af þeim bókum sem vitnað er til um þessar mundir er „The Black Swan: The Impact of the Highly Improbable“ eftir Nassim nokkurn Nicholas Taleb, sem rætur á að rekja til Líbanon. Eins og gefur að skilja fjallar bókin, sem og margt af því sem Taleb hefur ritað síðustu ár, um hið óvænta, svo sem yfirstandandi fjármálakreppu. Taleb gefur lítið fyrir það að horfa um öxl enda sé þá of seint í rassinn gripið. Vænlegra sé að taka hið óvænta með í reikninginn fyrir fram. Kaldhæðnin er hins vegar sú að þeir sem eru að lesa bókina í fyrsta sinn nú um stundir eru of seinir. Festi þekkingin rætur ættu þeir hins vegar að koma sterkir inn í næstu kreppu ...

0,30 prósent er stýrivaxtastigið í Japan eftir lækun um 0,20 prósentustig um miðja síðustu viku.

100 starfsmenn eru eftir hjá Landic Property í Danmörku, en félagið sagði nálægt fimmtungi starfsfólks upp um mánaðamótin.


29,5 milljarða dollara lán stendur Danske Bank til boða frá Seðlabanka Bandaríkjanna. Upphæðin jafngildir um 3.000 milljörðum króna.

LAGERSALA!

50 - 80% afsláttur!



Vönduð garðhúsgögn frá Saccaro, Sun Furniture, Garden Signature og Royal Teak



Inni/úti flísar 30x30cm (áður kr. 1.980,- pr m2)

Nú aðeins kr. **990,-**



Vandaðir sólbekkir, verð frá kr. 11.960,-



Lagersala Signature er einungis að Vesturhrauni 3 í Garðabæ.

Grípið tækifærið! OPIÐ:
Virka daga frá kl. 13 - 18
Um helgina frá 13 - 17

Sími 565 3399

Ótrúlegt úrval
Ótrúleg verð
Aðeins opið í nokkra daga

Verðdæmi:



Nú aðeins kr. **19.500,-**

Signature borð og 4 stólar (áður kr. 97.500,-)

Signature
••• húsgögn



Valsað ál fyrir þök og vegg

Fegurð, mýkt, ending
Fæst í 12 litum



Ál er okkar mál

Stórhöfða 33 • 110 Reykjavík • Sími: 577-4100 • www.altak.is

